

貴池縣志

貴池縣志卷九

知貴池縣事陸延齡重修

輿地志

寺觀

景德寺

江南通志在府治北唐貞觀中建府志在仙臺山之南麓舊志舊名祝聖寺唐貞觀二年僧雪竇建宋景德二年賜今額有小閣有見山堂蘇舜卿有詩明隆慶間移至毓秀門內而以寺基立府學乾隆三十九年知府張士範重修

按貞觀二年池州先一年廢而後建寺

清泉寺

舊志在受三保唐貞觀間建

福緣菴

舊志在元妙觀之東李氏青蓮館故地

貴池縣志

卷九

輿地志 寺觀

一

嘉祐寺

江南通志唐妙定守訥禪師道場名靈慶院宋改為嘉祐寺有碑舊志在西二保李祖溪和龍山距城五十里

慈蔭寺

江南通志在楓林山唐永泰間建

吉祥寺

采訪冊在元二保距城六十里唐太和年建明重建曲徑逶迤幽靜特佳為三十六寺之一

布金寺

江南通志在楓林山唐永泰間建舊志在仁四保張田阮唐永泰間紹華建

南泉寺

江南通志在府西南泉山唐貞元十一年普願禪師創建太和元年賜額南泉承恩寺普願塔尚存

林泉寺

舊志唐建久廢府志在小邱山

唐

杜牧廢林泉寺

廢寺碧溪上頽垣倚亂峰看棲歸樹鳥猶想過山鐘石路尋

僧去此生應不逢

棲真寺

江南通志在城西  
南檀村唐時建

寶勝寺

舊志在義一上保柏巖山  
唐太和五年清了禪師建

黃山嶺菴

舊志唐李白曾經此

乾明寺

江南通志在城西笠山舊志在城西里許池陽名勝類  
編郭西禪院即乾明寺宋改光孝寺有鐵佛二丈餘紹

興時鑄故又稱鐵佛禪院今仍稱乾明寺宋陸游入蜀記當  
唐英武王楊行密時西峰聖者寓乾明寺逮去留笛似鐵而  
非色瑩潤如菘玉予偶得見並有石刻沈遼西峰銘云昔有  
題寺壁者詩曰慈雲批鐵佛慧日照乾坤融融秋浦月千里  
見禪心按寺咸豐五年兵燬鍊  
佛鎚碎鑄砲子今僅存址新纂

唐伍喬遊郭西禪院

遠岫當軒列翠光高僧一衲萬緣忘碧松影裏地長闊潤白藕

貴池縣志

卷九

輿地志 寺觀

二

花中水亦香雲自雨前生淨石鶴於鐘後宿塵廊遊人戀此  
吟終日盛暑樓臺早有涼

宋梅堯臣西禪院竹

古寺帶修岡青葱萬竿玉春梢長舊林夏雨濕新綠幽禽嘯  
呼雜晚照陰晴續解帶欲忘歸壺觴歡自足

楊振乾明寺前古松

北山斷處唐朝寺路隨山轉江城裏獨有門前偃蓋松百尺  
陰森倚天翠傍無凡木可等齊曉色浮空照關市烟雲會合  
疑有靈勢若盤龍欲飛起十月大野百物凋霜外精神可鼻

羸冰風拂拂入高枝狀比秋濤動天地夜無神鬼溪月明寒  
影扶疎過鄰里瀟灑不稱兒女情爛漫春光碎桃李行人勿  
顧頗孤高日月栽培應有意造化能生歲寒姿寂寞豈同花  
草死固知人物各有施未必無時皆棄置大廈如求棟梁材  
願作明堂報天子

本朝  
方膏茂鐵佛寺

老僧憐我寂邀屐闢禪關筍煮花前水茶烹屋裏山語深兼  
世內心靜出人間已識浮生誤聊偷半日間

曰筇菴採訪冊在元三保戚家隴傍距城南二十里昔爲鞏疇祠後供梁昭明太子像遂改名菴下有白筇陂故名

貴池縣志  
卷九 輿地志 寺觀

三

天慶觀舊志在府治北南唐建卽李煜之紫極觀也有徐鉉碑久廢按觀後舊供三清同治六年僅於觀趾西偏小

構三清  
殿新纂

元妙觀舊志在府治北南唐紫極觀地宋祥符元年道士華演建

太平羅漢寺江南通志舊在郭西街卽唐林寺地宋太平興國時建明嘉靖間徙建於景德寺右舊志萬厯間王

知府合景德爲一  
寺名曰祝聖寺

感鐘寺江南通志在府西南大雄山相傳宋雍熙中有鐘飛至山巔遂建此寺舊志國朝順治初重建

悟真寺舊志在大樓山宋嘉祐間建有洞水石池

湧泉寺舊志在元四保覺源山之麓距城南四十五里宋大觀四年僧寶御建

白雲寺舊志在轆頂山距城三十里宋大觀間建

按江南通志謂在府南百里誤

萬壽寺

江南通志在城西南魯祖山為魯祖禪師道場宋乾道三年建

興福寺

江南通志在城南八里宋乾道間建

雲光寺

江南通志在城南舊志在元三保六峰山之麓距城南二十五里宋周必大自白沙入小路遊雲光寺登閣望

六山圖屏卽此

淨居寺

舊志在城東五十里船峰山建炎元年僧仲耀建船峰向名禪峰

齊山寺

江南通志在府城南齊山之陽蕉筆巖前舊志舊名觀音寺卽宋之延慶院紹興十八年僧義淵建山南之麓

明天順中僧祖浩重修

宋 楊萬里宿齊山寺卽杜牧之九日登高處

貴池縣志

卷九 輿地志 寺觀

四

我來秋浦正逢秋夢裏曾來似舊遊風月不供詩酒債江山  
長筦古今愁謫仙狂飲顛吟寺小杜倡情醉上樓問著州民  
渾不識齊山依舊俯寒流

孫邁遊齊山寺尋陳鴻斷碑 斷碑在寺後

萬木森天遶寺籬一聲孤磬徹江湄樓邊已失陳鴻字亭上  
猶存杜牧詩細雨乍驚巖溜響嫩苔長積石橋危知余好古  
心常切僧與前山尋斷碑

梅堯臣遊齊山寺

蒼山南望絕雲烟中有紺宇通諸天長橋直渡清溪水寒湖

收潦曠平田古木陰森大隄上千峰濃淡高樓前龍筍未迸  
角出縮虎口亂踞筋拳攣陰崖乳泉濕苔蘚陽谷暖氣留蘭  
荃澗戶曉闌烟的的松軒夜啟月娟娟聞有謫仙乘興入飄  
然欲拍洪崖肩玩幽逐勝不覺遠露奇發怪工無全捫蘿但  
識康樂境飲酒安問遠公禪清猿不到俗土耳其香草已入騷  
人篇水鳥念佛次淨界野鹿銜花來衆筵在昔探賢猶可數  
勝景秀句今得傳詞韻險絕茲所駭何特杜牧專當年重以  
平淡若古樂聽之疎越如朱絃秘藏楮中爲不朽咨諏座上  
皆曰然誰意初官獲此貺洗去鄙吝空池邊聊欲報言宰邑

貴池縣志

卷九

輿地志 寺觀

五

使春郊惟見雁連連

華岳齊山寺

寺覺重遊好僧期後會賒青蟲雕病葉白鳥篆平沙水瘦石  
生齒山寒梅未花功名應有待且謁惠公茶

蘇元鼎遊齊山寺

秋浦齊山寺峰巒楚楚長巖根堆雁塔溪角駕虹梁雨過聞  
幽磬雲開見上方苔侵石磴滑花擁洞門香禪客探元切騷  
人覺句忙汲泉寒井廢觀郡古樓荒白鳥巢危樹孤猿叫斷  
岡碑珉黃閣相詩版紫薇郎蹤跡依稀在文章大半亡登臨

正吟賞惆悵對斜陽

金溥重遊齊山寺

昔年奉使此經過暫駐星輶入薜蘿亭隱翠微香露溼殿迴  
碧落彩雲和壑風響應齋僧磬澗水聲隨牧豎歌今日重來  
知郡事四郊民物近如何

本朝

吳襄和梅堯臣齊山寺韻

湖山一碧水如烟花宮倒影明遙天丹書搨出何年洞玉乳  
收來若個田鐘聲一鳴深松裏天光萬罅蒼藤前石虎老傍  
法幢卧巖螺巧學佛髻攀支鐺有石皆青髓著屐無草非黃

貴池縣志

卷九

輿地志 寺觀

六

荃玉柱崖飛翠滴瀝菡萏頂壓青蓮娟華樹無枝半空腹岳  
碣斷痕剛及肩壞壁殘甃碑版裂蒼卦苔荒摩不全青山記  
得興亡事劫火不燼餘枯禪可憐小杜風流在牧子爭唱登  
高篇翠微一片蒿沒膝黃花何處依華筵詩人應作名山主  
樊川無句山誰憐月色兩隄照夜夜江光一綫流年年水泉  
細滴空林磬渚鳥淒鳴大海絃一聲到耳客愁絕蒼巖無語  
花嫣然詩情已隔秋雲外往事多歸夕照邊剩水殘山猶若  
此寺門蘿月空流連

永明寺

江南通志在城南新城山宋淳熙間建

常安寺

江南通志在城東二十里宋淳熙間建舊志明邑人丁旦丁紹軾有記

崇梵寺

舊志在受一保宋淳熙間建

光教寺

舊志在靈山宋建面古牛岡抱兒石諸峰

上雲寺

江南通志宋理宗時之西峰殿院也相傳西峰聖者駐錫於此舊志在橫山俗稱橫山菴有詩有記有石牆洞

波浪石屋諸幽勝

興道院

舊志在江祖石宋建時有主僧行餘今廢為田

雙峰菴

舊志在東一保李山塔之東宋時建

植福寺

江南通志在城西南五十里宋景定中建舊志宋景定僧行仲建

正德寺

采訪册在下二保黃花坦距城三十五里宋建明末廢址存

貴池縣志

卷九

輿地志 寺觀

七

普明寺

采訪册在稽山宋道膺禪師法嗣章禪師道場寺旁有石四五窟容水一二升許四時滿注雖大旱不涸遊人

以手掬之隨竭隨盈

多福寺

舊志在仁一保裏區宋端平二年僧法印建

金堂寺

舊志在清風亭下宋建久廢今硃砂井存

虎林城元妙觀

舊志元貢奎有詩詳見石城筆耕

元帝殿

舊志在城南萬羅山

密源寺

舊志在仁二保明永樂間智聰和尚建

清心寺

舊志在仁二保甘泉山永樂初僧原愷建

地藏菴

舊志在迎恩門外里許嘉靖三十七年建推官毛起有記



瑞相寺

採訪冊在元一保舊名銅山寺明嘉靖二十年建

本朝

劉仁春暮遊銅山寺

結伴尋幽境狂歌度石梁  
巖巖蔭深綠高閣敞清涼  
春老桐花白風迴松子香  
上方清磬響林隙露斜陽

劉湘遊銅山寺

名山自今古蕭寺各西東  
遊客攜朋至高僧一笑逢  
泉聲穿

石隙鶴影度雲峰夕照歸  
樵亂花宮動晚鐘

二詩見採訪冊新纂

茶菴

萬歷府志茶菴在齊山西麓嘉靖間典史張恩等施建今廢齊山志嘉慶間青陽陳蔚作雲香茶社以補之

本朝

姚翔雲香茶社三首

貴池縣志

卷九

輿地志 寺觀

八

新開茶社近琳宮韻事剛逢陳孟公  
簷逼層巖窗壓水一鐺

細雨雜松風

山泉漱洌帶雲香蟹眼圓勻且試湯  
不用別尋甘露去此中

原自有仙漿

香風如霧展春旗茗戰雲房七椀宜  
爲語酪奴須好待卽今

來往卻無期

甯福寺

舊志前秋浦縣學遺址後爲王氏業明王有洪施於寺僧

湖心禪寺

江南通志在城東相公墩舊志萬歷三十四年知府黃流芳移乾明寺佛堂材建此

響泉寺

舊志在城南四十里羅尚忠讀書其中通籍後贈額日錫飛驚鶴今尚存

彌陀菴

采訪册在元三保六峰山之西距城南二十五里明御史劉光福讀書於此僧無念常供給之後巡按山西郵

贈無念額日  
梵城龍象

無上菴

采訪册在一保一樺根嶺王建和讀書於此

大雄寺

采訪册在西一保感鐘山昔稱大雄山上有丁文恪石刻詩跡今模糊

宗教寺

舊志近梅村在城南七十里

石林菴

齊山志在齊山繡春臺北今爲函融大師塔

保安寺

舊志在迎恩門外宋建遺礎尙存

法海寺

舊志在城東

義湖山菴

舊志在城東五十里

貴池縣志

卷九

輿地志 寺觀

九

飛泉菴

舊志卽古烏石山滴水菴

花園寺

舊志在東一保赤土嶺外不知建於何代今遺址尙存近址有菴仍名花園菴

華蓋菴

齊山志在齊山華蓋側

明

黃尊素遊華蓋寺

古竇深深行處難玲瓏寶蓋下仙鸞石非帶雨長流溼洞爲

樓雲自貯寒梵宇新開支遁住並州嘗指葛疆看談詩核韻

忘時法劇飲肯令我輩寬

五雲菴

齊山志在齊山東北

仙寓菴

舊志在孝一保仙女山相傳建德檀氏女學道於此成仙菴與山因名府志天童禪師白日化昇江道昆有記

善慶禪林 舊志在軍營東為劉徵君城小園捨為伽藍  
順治七年僧無痕建鄭公三俊題日一喝菴

圓通菴 舊志在迎恩門外

雷鳴菴 舊志

海會寺 舊志在保三

離垢寺 舊志在源頭下十里許

明福寺 舊志在舞上一保水口山

永興菴 舊志原在夾山口今移山麓

一吼菴 舊志在查郎村為禪師行奇建

雲山大菴 舊志在賢一保四季多泉滴瀝不竭

貴池縣志

卷九

輿地志 寺觀

十

避暑嶺菴 舊志

陳山頭菴 舊志

牛背山菴 舊志在官山

西峰菴 舊志在柯松

碧玉菴 舊志在鳳凰尖

潛修菴 舊志在杜鵑

西隱菴 舊志在湖山華蓋菴故址僧函融建

天堂菴 舊志在峽川三十六山

磨盤山菴 舊志

多慶菴 舊志在受二保新定山

定香菴 舊志在源頭

鬪龍觀 采訪册在受三保

航渡菴 采訪册在受三保觀前柯式三為橋渡建

古神寺 采訪册在下五保鳳形山距城六十五里

龍華菴 舊志在城南二十五里

大嶺菴 舊志

望華菴 舊志在九華門外水府廟左

石門菴 采訪册在城南四十五里由跑駝嶺西二里許兩石壁立平削皆數丈中一石橫架故曰石門相傳山僧婆囉

貴池縣志

卷九

輿地志 寺觀

募化韋駝大像高二丈一尺圍數丈因毀其橫架之石以入大像今現存

石雲菴 采訪册在梅溪之南桂氏所建

城頭祖殿觀 在受三保

常樂寺 舊志在舞鸞鄉

青雲菴 采訪册在龍舒河之西北明王極所建

慈化菴 采訪册在下三保羅村阪距城五十五里

興隆菴 舊志在縣後

百子菴 李志在縣後

保障殿 采訪册距城六十里為元二保下關嘉慶二十二年姚應懷倡築以障水口

退步菴

采訪冊距城西南百里  
康熙三年施克念建

寶安寺

舊志在下一保龜峰  
山距城二十五里

翠峰菴

采訪冊在殷家  
匯之南五里

長樂寺

采訪冊在下三保蘇  
家冲城四十五里

竺隱菴

采訪冊在響泉菴西里許巖壑深邃林木蔽日  
其後日黃栗山咸豐兵燬光緒間重修新纂

華藏菴

舊志在西一保上洛嶺感鐘  
山下菴外有梧桐落葉山

雲棲菴

采訪冊在黃楊石  
距城二十五里

紫雲菴

采訪冊在檀婆  
山城西二十里

三界菴

采訪冊在府城隍廟右順治二十年建乾隆四十  
五年重修咸豐兵燬光緒間邑人捐建新纂

貴池縣志

卷九

輿地志 寺觀

十一

百緣菴

在府城隍  
前柏芝園

龍渡菴

在迎恩門  
外半里許

胡學宗龍渡菴詩

蕭蕭落葉聲愛此獨山行一徑寒花放雙扉老樹撐閒僧鳴

晚磬返景下孤城暫藉幽棲地終宵夜月明

以上漆志參李志並附新纂 按寺院菴觀咸豐間

多燬於兵有重建者在各條下註明

祖師殿

在清溪壩上邑紳王元梅祖遺  
舊址捐建咸豐間兵燬采訪冊

妙因禪林

在清溪妙因塔下咸豐兵燬水  
師營總鎮柳壽田重建采訪冊

三官殿 在清溪河口  
今廢採訪冊

大佛殿 在縣治後新建文昌宮右  
光緒間邑人新建採訪冊

法輪菴 在孝一保小車田貢  
士王之翰建採訪冊

青蓮菴 在蓮峰山陽相傳李白讀書  
處咸豐七年兵燬採訪冊

大王廟 亦在清溪河口  
今廢採訪冊

觀音菴 在殷家匯咸豐兵燬同  
治五年重修採訪冊

佛陀菴 在賢一保佛  
陀嶺採訪冊

通華菴 在活溪蘆田嶺舊名福同菴光緒五年有一白頭翁路  
過問小童蘆田嶺通華菴何在小童答以蘆田嶺祇有

福同菴已兵燬尾之行蹤倏滅  
次年重修遂更名採訪冊

貴池縣志

卷九

輿地志 寺觀

清虛宮 在天慶觀舊址右光緒  
間邑人新建採訪冊

永慧寺 在東二保山頂進土王元梅曾讀  
書於此咸豐間寺燬基存採訪冊

慈雲古閣 在烏沙夾距城四十里咸豐三年燬  
光緒間燬重建如舊制採訪冊

永勝菴 在梅根上三里許唐羅隱曾結廬於此  
讀書後人因其故址改爲菴云採訪冊

以上新纂

浮圖

宋史家塔 舊志今太史  
坊下久廢

李山塔 舊志在城東南十五里唐時建現已半圯山自蓮峰尖  
發脈爲上清溪黃瀾伯祖墓山來龍其間有香爐石筓

子石關刀石冲霄鷹石陀  
兒石盤石採訪冊 新纂

明百牙山塔

舊志在府東北  
知府陸岡建

明

桂鏊百牙山塔記

吳赤烏十年遣使求舍利既得之卽造塔藏之蓋中國造塔之始也其制七級玲瓏六窗洞達後浮圖竟遍海內矣百牙之塔非此類也藉此因之高也取地理補短益卑之象夫池之山水行龍宋人指言廬山餘脈然匯爲彭蠡遇水則止非是也道理遼邈未步所起予嘗倅信州近觀懷玉蜿蜒之草萍流脈一往浙西直趨臨安一往江南直趨建業而池州之治又草萍施迺大共山起祖者是也迤邐魁山遞遘東山嶺

貴池縣志

卷九

輿地志 寺觀

十四

繚遶屈岵山爲少祖列三台屏嶂起天一太乙遂藏蹤過岵  
岵嶺藕斷絲連立營布陣勢如萬馬落檀婆山爲少祖結三  
台寶蓋降勢隱顯博換金水來湖山嶺起覆舟樓臺露雞爪  
天罡一支騎嶽廟徑結府治一支結縣治一支結縣學一支  
結西街岵岵續繹大樓山作府治案從龍右出丙丁巽水三  
陽六秀朝堂左喜庚兌辛隨龍至清溪左合襟岵湖山自高  
廟至百牙山捍門華表曜星以齊山爲進神落脈相公墩爲  
禽星印浮水面岵岵又荆太婆山起伏往清溪外羅城水口  
左得新洲陰沙筆塞江口若百牙山造塔有卓地文筆在內

倒地文筆在外正廖禹行程記清溪港口沙洲塞宰相神童  
狀元得此百牙山之塔所當造而有待於今也陸侯拳拳地  
方之初意也歲丁酉汪秋浦柯獅山偕余相公墩飲於侯之  
亭逮李王厲列侯次第來經畫之及戊戌夏擇散官中材能  
傑出者張恩王浩劉瑞陳緒董治其役再逾年而垂成侯遷  
浙江副使曾侯來代凡地方事盡須知及此遂諭衆事有益  
於民者不靳乃卒成之以大培池州風水之不足者列侯之  
心之功將與是塔爲悠久焉

清溪妙因塔

李志在府東北知府錢檟建金本高訖功丁紹軾  
有碑記崇禎十五年夏雷擊塔頂至今未修急需

貴池縣志

卷九

輿地志 寺觀

十五

興復

曹殿奇清溪塔

嶙峋高塔倚遙天拾級憑臨俯大千雁影下投秋浦樹漁歌  
遙帶杜湖烟青蒼嵐影橋邊合浩渺江流檻外旋猶憶故人  
天際去峭帆幾片斷雲懸

靈芝塔

舊志在靈芝鎮  
今廢爲文孝廟

白洋塔

舊志在城南  
三十里

以上漆志



